

摛藻堂四庫全書薈要

集部

欽定四庫全書叢要

集部

御定全唐詩卷二十三

一至三

詳校官候補通政司經歷臣郭祚熾

欽定四庫全書叢要

欽定四庫全書
欽定全唐詩卷一萬七千四百二十六集部

御定全唐詩卷二十一

相和歌辭

子夜春歌

王翰

以後並清商曲其器有鐘磬

琴瑟擊

琴琵琶笙箏筑箏節鼓笙箏

長安以後工伎寢缺與吳音轉遠開元中劉琨以為宜取吳人使之傳習以問歌工李郎子郎子北人學於江都俞才生後郎子亡去清樂之歌遂

闕

春氣滿林香春遊不可忘落花吹欲盡垂柳折還長柔

女淮南曲金鞍塞北裝行行小垂手日暮渭川陽

子夜冬歌

崔國輔

寂寥抱冬心裁羅又裊裊夜久頻挑燈霜寒剪刀冷

同前

薛耀

朔風扣羣木嚴霜凋百草借問月中人安得長不老

子夜四時歌六首

郭元振

春歌二首

青樓含日光綠池起風色贈予同心花殷勤此何極

陌頭楊柳枝已被春風吹妾心正斷絕君懷那得知

秋歌二首

邀歡空佇立望美頻迴顧何時復採菱江中密相遇
辟惡朱萸囊延年菊花酒與子結綢繆丹心此何有

冬歌二首

北極嚴氣升南至溫風謝調絲競短歌拂枕憐長夜
帷橫雙翡翠被卷兩鴛鴦婉態不自得宛轉君王牀

子夜四時歌四首

李白

春歌

秦地羅敷女采桑綠水邊素手青條上紅妝白日鮮蠶飢妾欲去五馬莫留連

夏歌

鏡湖三百里菡萏發荷花五月西施采人看隘若邪迴舟不待月歸去越王家

秋歌

長安一片月萬戶擣衣聲秋風吹不盡總是玉關情何

日平胡虜良人罷遠征

冬歌

明朝驛使發一夜絮征袍素手抽針冷那堪把剪刀裁
縫寄遠道幾日到臨洮

子夜四時歌四首

陸龜蒙

春歌

山連翠羽屏草接煙華席望盡南飛燕佳人斷信

一作
消

息

夏歌

蘭眼擡露斜鶯脣映花老金龍傾漏盡玉井敲冰早

秋歌

涼漢清汎寥衰林怨風雨愁聽絡緯唱似與羈魂語

冬歌

南光走冷圭北籟號空木年年任霜霰不減貧簷綠

大子夜歌二首

陸龜蒙

次

首本古曲辭

歌謠數百種子夜最可憐慷慨吐清音明轉出天然

絲竹發歌響假器揚清音不知歌謠妙聲勢出口心

子夜警歌二首

陸龜蒙
首本古曲辭

次

鏤枕傳綠酒雕鑪熏紫煙誰知苦寒調共作白雪弦
恃愛如欲進含羞出不前朱口發艷歌玉指弄嬌弦

丁督護歌

李白

雲陽上征去兩岸饒商賈吳牛喘月時拖船一何苦水
濁不可飲壺漿半成土一唱都集作護歌心摧淚如雨

萬人鑿盤石無由達江滸君看石芒碭掩淚悲千古

團扇郎 張祜

白團扇今來此去捐願得入郎手團圓郎眼前

同前

劉禹錫

團扇復團扇奉君清暑殿秋風入庭樹從此不相見上有乘鸞女蒼蒼蟲網遍明年入懷袖別是一有機中練

碧玉歌

李暇

碧玉上宮妓出入千花林珠被瑇瑁牀感郎情意深

懊惱曲

溫庭筠

藕絲作線難勝針藥粉染黃那得深玉白蘭芳不相顧

倡青

一作

樓

一笑輕千金莫言自古皆如此健劙削鐘鉛

繞指三秋庭綠盡迎霜惟有荷花守紅死西

一作

廬

江小小

吏朱班輪柳縷吐芽香玉春兩股金釵已相許不令獨

作空城

集作成

塵悠悠

楚水流如馬恨紫愁紅滿平野野

土千年怨不平至今燒作鴛鴦瓦

讀曲歌五首

張祜

窗中獨自起簾外獨自行愁見蜘蛛織尋思直到明

碓上米不春窗中絲罷絡看渠駕去車定是無四角
不見心相許徒云脚漫勤摘荷空摘葉是底采蓮人
窗外山魈立知渠脚不多三更機底下摸著是誰梭
郎去摘黃瓜郎來收赤棗郎耕種麻地今作西舍道

春江花月夜二首

張子容

林花發岸口氣色動江新此夜江中月流光花上春分
明石潭裏宜照浣紗人

交甫憐瑤佩仙妃難重期沈沈綠江晚惆悵碧雲姿初

逢花上月言是弄珠時

同前 張若虛

春江潮水連海平
海上明月共潮生
滟滟隨波千萬里
何處春江無月明
江流宛轉遶芳甸
月照花林皆似霰
空裏流霜不覺飛
汀上白沙看不見
江天一色無纖塵
皎皎空中孤月輪
江畔何人初見月
江月何年初照人
人生代代無窮已
江月年年望長安
集作相似不知江月待
何人但見長江送流水
白雲一片去悠悠
青楓浦上不

勝愁誰家今夜扁舟子何處相思明月樓可憐樓上月
裏回應照離人妝鏡臺玉戶簾中卷不去擣衣砧上拂
還來此時相望不相聞願逐月華流照君鴻雁長飛光
不度魚龍潛躍水成文昨夜閑潭夢落花可憐春半不
還家江水流春去欲盡江潭落月復西斜斜月沈沈藏
海霧碣石瀟湘無限路不知乘月幾人歸落月搖情滿

江樹

同前

溫庭筠

玉樹歌闌海雲黑花庭忽作青蕪國秦淮有水水無情
還向金陵漾春色楊家二世安九重不御華芝嫌六龍
百幅錦帆風力滿連天展盡金芙蓉珠翠丁星復明滅
龍頭劈浪哀笳發千里涵空照水魂萬枝破鼻團香雪
漏轉霞高滄海西頗黎枕上聞天雞蠻弦代雁曲如語
一醉昏昏天下迷四方傾動煙塵起猶在濃香夢魂裏
後主荒宮有曉鶯飛來只隔西江水

玉樹後庭花

張祜

輕車何草草獨唱後庭花玉樹誰為主徒悲張麗華

堂堂

溫庭筠

錢塘岸上春如織森森寒潮帶晴色淮南遊客馬連嘶
碧草迷人歸不得風飄客意如吹煙纖指殷勤傷雁弦
一曲堂堂紅燭筵金集作長鯨瀉酒如飛泉

三閣詞四首

劉禹錫

貴人三閣上日晏未梳頭不應有恨事嬌甚却成愁

集作生

珠箔曲瓊鉤子細見揚州北兵那得度浪語集作話判悠

悠

沈香帖閣柱金縷畫門

集作閣

楣回首降幡下已見黍離

離

三人出眢井一身登檻車朱門漫臨水不可見鱸魚

神弦曲

李賀

西山日沒東山昏旋風吹馬馬踏雲畫弦素管聲淺繁花裙綺繚步秋塵桂葉刷風桂墜子青狸哭血寒狐死

古壁彩虬金帖尾雨工騎入秋一作公夜騎入潭水百年老鴟

成木魅笑聲碧火巢中起

神弦別曲

李賀

巫山一作陽小女隔雲別松花春風一作春風山上發綠蓋

獨穿香逕歸白馬花竿前子子蜀江風澹水如羅墮蘭
誰泛相經過南山桂樹為君死雲衫殘集作凌汙紅脂花

祠漁山神女歌

王維

迎神

坎坎擊鼓漁山之下吹洞簫望極浦女巫進紛屢舞陳
瑤席湛清酤風淒淒又集作兮夜雨不知神之來兮不來
使我心兮苦復苦

送神

紛進舞兮堂前目眷眷兮瓊筵來不言兮意不傳作暮
雨兮愁空山悲急管兮思繁弦神之駕兮儼欲旋條雲
收兮雨歇山青青兮水潺湲

祠神歌

王叡

迎神

蓬草頭花椰葉裙蒲葵樹下舞蠻雲引領望江遙滴酒
白蘋風起水生文

送神

棖棖山響答琵琶酒濕青莎肉飼鷁樹葉無聲神去後
紙錢灰出木綿花

烏夜啼

楊巨源 樊鄧之間故其聲節送和與吳歌亦異

可憐楊葉復楊花雪淨煙深碧玉家烏棲不定枝條弱

城頭夜半聲啞啞浮萍搖流集作蕩門前水任胥芙蓉莫

墮沙

同前 李白

黃雲城邊烏欲棲歸飛啞啞枝上啼機中織錦秦川女
一作閨中織婦秦家女碧紗如煙隔窗語停梭悵然憶遠人獨宿
孤房淚如雨一作停梭向人問故夫欲說遼西淚如雨

同前二首顧況

玉房掣鎖聲翻葉銀箭添泉遶霜堞畢逋發刺月銜城

八九雛飛其母驚此是天上老鷗鳴人間老鷗無此聲

搖風集有雜佩耿華燭良夜羽人彈此曲東方瞳瞳赤日

旭

月出江林西江林寂寂城鷗啼昔人何處為此曲今人
何處聽不足城寒月曉馳思深江上青草為誰綠

同前

李羣玉

曾波隔夢渚一望青楓林有鳥在其間達曉自悲吟是
時月黑天四野煙雨深如聞生離哭其聲痛人心悄悄

夜正長空山響哀音遠客不可聽坐愁華髮侵既非蜀
帝魂恐是恒山禽四子各分散母聲猶至今

同前聶夷中

衆鳥各歸枝烏烏爾不棲還應知妾恨故向綠窗啼

同前白居易

城上歸時晚庭前宿處危月明無葉樹霜滑有風枝啼
澀飢喉咽飛低凍翅垂畫堂鸚鵡鳥冷暖不相知

同前王建

庭樹烏爾何不向別處樓夜夜半當戶啼家人把燭
出洞戶驚棲失羣飛落樹一飛直欲飛上天回回不離
舊棲處未明重繞主人屋欲下空中黑相觸風飄雨濕
亦不移君家樹頭多好枝

同前張祜

忽忽南飛返危弦共怨悽暗霜移樹宿殘夜遶枝啼咽
絕聲重敘惜淫思乍迷不妨還報喜悵使玉顏低

烏棲曲李白

姑蘇臺上烏棲時吳王宮裏醉西施吳歌楚舞歡未畢

青山猶

集作
淡

銜半邊日銀箭金壺

一作金
壺丁丁

漏水多起看

秋月墜江波東方漸高柰樂

一作
爾

何

同前

李端

白馬逐牛

集作
朱

車黃昏入狹斜柳樹烏爭宿爭枝

集作
宿

未得飛上屋東房少婦婿從軍每聽烏啼知夜分

同前

王建

章華宮人夜上樓君王望月西山頭夜深宮殿門不鎖

白露滿山山葉墮

同前 張籍

西山作宮潮滿池宮烏曉鳴茱萸枝吳姬自唱采蓮一作采蓮一
自唱曲君王昨夜舟中宿

棲鳥曲二首

劉方平

蛾眉曼臉傾城國鳴環動佩新相識銀漢斜臨白玉堂
芙蓉行障掩燈光

畫舸雙艤錦為纓芙蓉花發蓮葉暗門前月色映橫塘

感郎中夜渡瀟湘

莫愁樂

張祜

儂居石城下郎到石城遊自郎石城出長在石城頭

莫愁曲

李賀

草生隴坂下鶲噪城堞頭何人此城裏城角栽石榴青
絲繫五馬黃金絡雙牛白魚駕蓮船夜作十里遊歸來
無人識暗上沈香樓羅牀倚瑤瑟殘月傾簾鉤今日槿

花落明朝梧

集作桐

樹秋若負平生意何名作

集作何

莫愁

估客樂 李白

海客乘天風，將船遠行役。譬如雲中鳥，一去無蹤跡。

同前 元稹

估客無住著，有利身即集作則行。出門求火伴，入戶辭父

兄。父兄相教示，求利莫求名。求名有所避，求利無不營。

火伴相勒縛，賣假莫賣誠。交關少集作但交，假交假本生。

輕集作本生得失輕，自茲相將去。誓死意不更，一集作亦解市頭。

語便無鄉里情，鎔石打臂釧。糯米炊項瓊，歸來村中賣。

敲作金玉聲村中田舍娘貴賤不敢爭所費百錢本已

得十倍贏顏色轉光淨飲食亦甘馨子本頻蕃息貨賂

集作
販

日薰并求珠駕滄海采玉上荆衡北買黨項馬西

擒吐蕃鸚炎洲布火浣蜀地錦織成越婢脂肉滑奚僮

眉眼明通算衣食費不計遠近程經營

集作
遊

天下偏却

到長安城城中東西市聞客次第迎迎客薰說客多財

為勢傾客心本明黠聞語心已驚先問十常侍次求百

公卿侯家與主第點綴無不精歸來始安坐富與王家

集作勅市卒酒肉臭縣胥家舍成豈惟絕言語奔走極
者使令大兒販材木巧識梁棟形小兒販鹽鹵不入州縣
征一身偃市利突若截海鯨鉤距不敢下下則牙齒橫
生為估客樂判爾樂一生爾又生兩子錢刀何歲平

賈客樂

張籍

金陵向西賈客多船中生長樂風波欲發移船近江口
船頭祭神各澆酒停杯共說遠行期入蜀經蠻遠

集作誰

別離金多衆中為上客夜夜算緝眠獨遲秋江初月猩

猩語孤帆夜發滿

集作瀟

湘渚水工持櫲防暗灘直過山

邊及前侶年年逐利西復東姓名不在縣籍中農夫稅
多長辛苦棄業長為販賣

一作寶

翁

賈客詞

劉禹錫

賈客無定遊所遊惟利并眩俗雜良苦乘時知重輕心
計析秋毫搖鉤侔懸衡錐刀既無棄轉化日已盈邀福
禱波神施財遊化城妻約雕金釧女垂貫珠纓高貲比
封君奇貨通倅卿趨時鷙鳥思藏鏹盤龍形大艤浮通

川高樓次旗亭行止皆有樂闋梁似一作無征農夫何爲者辛苦事寒耕

同前

劉駕

賈客燈下起猶言發已遲高山有疾路暗行終不疑寇盜伏其路猛獸來相追金玉四散去空囊委路歧揚州有大宅白骨無地歸少婦當此日對鏡弄花枝

襄陽樂

張祜

大堤花月夜長江春水流東風正上信春夜特來

一作待郎

遊

襄陽曲二首

崔國輔

蕙草嬌紅萼時光舞碧雞城中美年少相見白銅鞮
少年襄陽地來往襄陽城城中輕薄子知妾解秦箏

同前

施肩吾

大堤女兒郎莫尋三三五五結同心清晨對鏡冶

理集作

容色意欲取郎千萬金

同前

李端

襄陽堤路長草碧楊柳集作柳枝黃誰家女兒臨夜妝紅羅

帳裏有燈光雀釵翠羽動明璫欲出不出脂粉香同居

女伴正衣裳中庭寒月白如霜賈生十八稱才子空得

門前一斷腸

大堤曲張東之

南國多佳人莫若大堤女玉牀翠羽帳寶袜蓮花炬魂
處自一作在目成色授開心許迢迢不可見日暮空愁予

同前

楊巨源

二八嬋娟大堤女
開爐相對依江渚
待客登樓向水看
邀郎卷幔臨花語
細雨濛濛濕芰荷
巴東商侶挂帆多
自傳芳酒涴紅袖
誰調妍妝迴翠蛾
珍簟華燈夕陽後
當壚理瑟矜纖手
月落星微五鼓聲
春風搖蕩窗前柳
歲歲逢迎沙岸間
北人多識綠雲鬟
無端嫁與五陵少
離別煙波傷玉顏

同前

李白

漢水臨

一作橫

襄陽花開大堤暖
佳期大堤下淚向南雲

滿春風復無集作無復情吹我夢魂散不見眼中人天長音

信斷

同前

李賀

妾家住橫塘紅紗滿桂香青雲教綰頭上髻明月與作
耳邊璫蓮風起江畔春大堤上留北人郎食鯉魚尾妾
食猩猩脣莫指襄陽道綠浦歸帆少今日菖蒲花明朝

楓樹老

大堤行

孟浩然

大堤行樂處車馬相馳突歲歲春草生踏青二三月王孫挾珠彈遊女矜羅襪攜手今莫同江花為誰發

三洲歌

溫庭筠

團圓莫作波中月潔白莫為枝上雪月隨波動碎潾潾
雪似梅花不堪折李娘十六青絲髮畫帶雙花為君結
門前有路輕離別一作別離惟恐歸來舊香滅

拔蒲歌

張祜 拔蒲倚歌也 凡倚歌悉用鈴鼓無弦有吹

拔蒲來領郎鏡湖邊郎心在何處莫趁新蓮去拔得無

心蒲問郎看好無

楊叛兒

李白

君歌楊叛兒妾勸新豐酒何許最關人烏啼白門柳烏
啼隱楊花君醉留妾家博山爐中沈香火雙咽集作煙一
氣凌紫霞

常林歡

溫庭筠

宜城酒熟花覆橋沙晴綠鴨鳴咬咬穠桑繞舍麥如尾
幽軋鳴機雙燕巢馬聲特特荆門道蠻水揚光色如草

錦薦金爐夢正長東家呃

集作
呻

喔雞鳴早

江南弄

王勃

江南弄巫山連楚夢行雨行雲幾相送瑤軒金谷上春時玉童仙女無見期紫露香煙眇難託清風明月遙相思遙相思草徒綠為聽雙飛鳳凰曲

同前

李賀

江中綠霧起涼波天上疊巘紅嵯峨水風浦雲生老竹渚暝蒲帆如一幅鱸魚千頭酒百斛酒中倒臥南山綠

吳歛越吟未終曲江上團團帖寒玉

采蓮曲

崔國輔

玉漱花紅

集作爭

發金塘水碧

集作亂

流相逢畏相失並著

采蓮舟

同前

徐彥伯

妾家越水邊搖艇入江煙既覓同心侶復采同心蓮折
藕絲能脆開花葉正圓春歌弄明月歸棹落花前

同前

李白

若耶溪邊采蓮女笑隔荷花共人語日照新妝水底明
風飄香袖袂集作袂空中舉岸上誰家遊冶郎三三五五映
垂楊紫骝嘶入落花去見此踟蹰空斷腸

同前賀知章

稽山罷霧鬱嵯峨鏡水無風也自波莫言春度芳菲盡
別有中流采芰荷

同前三首王昌齡

吳姬越豔楚王妃爭弄蓮舟水濕衣來時浦口花迎入

采罷江頭月送歸

荷葉羅裙一色裁
芙蓉向臉兩邊開
亂入池中看不見
聞歌始覺有人來

越女作桂舟
還將桂為楫
湖上水渺漫
清江初集作不可

涉摘取芙蓉花
莫摘芙蓉葉
將歸問夫婿
顏色何如妾

同前二首

戎昱

雖聽采蓮曲
詎識采蓮心
漾楫愛花遠
回船愁浪深
煙生極浦色
日落半江陰
同侶憐波靜
看妝墮玉簪

汾陽女兒花滿頭
羈羈同汎木蘭舟
春秋集作
風日暮南

湖裏爭唱菱歌不肯休

同前
儲光羲

淺渚荷集作荷
花繁深塘集作潭
菱葉疎獨往方自得
心邀

淇上姝廣江無術阡大澤一作羅
絕方隅浪中海童語流

下鮫人居春雁時隱舟新荷集作萍
復滿湖采采乘日暮

不思賢與愚

同前二首
鮑溶

弄舟竭來南塘水荷葉映身摘蓮子暑衣清一作鮮
淨駕

鴛喜作浪舞花驚不起殷勤護惜纖纖指水菱初熟多
新刺

采蓮竭來水無風蓮潭如鏡集作鑑松如龍夏衫短袖交

斜紅艷歌笑鬪新芙蓉戲魚住集作往聽蓮花東

同前
張籍

秋江岸邊蓮子多采蓮女兒凭船歌青房圓實齊戢戢
爭前競折蕩漾集作漾微波試牽綠莖下尋藕斷處絲多刺

傷手白練束腰袖半卷不插玉釵妝梳淺船中未滿度
前洲借問誰家集作阿誰家住遠歸時共待暮潮上自弄芙蓉還蕩槳

同前 白居易

菱葉紫波荷颱風荷花深處小船通逢郎欲語低頭笑
碧玉搔頭落水中

同前 僧齊已

越江女越江蓮齊菡萏雙嬋嬉遊向何處采摘且同

船浩唱發容與清波生漪連時逢島嶼泊幾共鴛鴦眠
襟袖既盈溢馨香亦相傳薄暮歸去來苧羅生碧煙

采蓮歸 王勃

采蓮歸綠水芙蓉衣秋風起浪鳴雁飛桂棹蘭橈下長
浦羅裙玉腕搖輕櫓葉嶼花潭極望平江謳越吹相思
苦相思苦佳期不可駐塞外征夫猶未還江南采蓮今
已暮今已暮摘集作采蓮花今渠集作渠今那必盡倡家官道
城南把桑葉何如江上采蓮花蓮花復蓮花花葉何重

集作
綱

疊葉翠本羞眉花紅彊如頰佳人不茲期

集作
在茲

悵

望別離時牽花憐共帶折藕愛連絲故情何處所

新物徒

集作
從

華滋不惜南

集作
西

津交佩解還羞

集作
北海雁

書遲采蓮歌有節采蓮夜未歇正逢浩蕩江上風又值

徘徊江上月

集有徘徊二字

蓮浦夜相逢吳姬越女何丰茸共

問寒江千里外征客關山更

集作
路

幾重

采蓮女

閻朝隱

采蓮女采蓮舟春日春江碧水流蓮衣承玉釧蓮刺腎

銀鈎薄暮斂容歌一曲氣氤香氣滿汀洲

湖邊采蓮婦

李白

小姑織白紵未解將人語大嫂采芙蓉溪湖千萬重長兄行不在莫使外人逢願學秋胡婦真心比古松

張靜婉采蓮曲

溫庭筠

蘭膏墜髮紅玉春燕釵拖頸拋盤雲城西

一作邊

楊柳向

嬌晚門前溝水波潾潾麒麟公子朝天客珮

集作珂

馬璫

璫度春陌掌中無力舞衣輕翦斷絞綃破春碧抱月飄

煙一尺腰麝臍龍髓憐嬌饒秋羅拂衣

集作水

碎光動露

重花多香不銷鷓鴣膠膠

集作交交

塘水滿綠萍如

一作芒

粟

蓮莖短一夜西風送雨來粉痕零落愁紅淺船頭折藕絲暗牽藕根蓮子相留連郎心似月月易

一作未

缺十五

十六清光圓

鳳笙曲

沈佺期

憶昔王子晉鳳笙遊雲空揮手弄白日安能戀青宮豈無嬋娟子結念羅帳

集作韓

中憐壽不貴色身世兩無窮

鳳吹笙曲

李白

仙人十五愛吹笙學得崑丘彩鳳鳴始聞鍊氣餐金液
復道朝天赴玉京玉京迢迢幾千里鳳笙去去無邊集作

窮已欲歎離聲發絳脣更嗟別調流纖指此時惜別詎
堪聞此地相看未忍分重吟真曲和清吹却奏仙歌響
綠雲綠雲紫氣向函闕訪道應尋缑氏山莫學吹笙王
子晉一遇浮丘斷不還

采菱曲

儲光羲

濁水菱葉肥
清水菱葉鮮
義不游濁水
志士多苦言
潮流具區藪
潦深雲夢田
朝隨北風去
暮逐南風還
浦口多漁家
相與邀我船
飯稻以終日
羹尊將永年
方冬水物窮
又欲休山樊
盡室相隨從
所貴無憂患

采菱行

劉禹錫

白馬湖平秋日光
紫菱如錦絲鸞

一作鶯

翔盪舟遊女滿

中央采菱不顧馬上郎
爭多逐勝紛相向
時轉蘭橈破

輕浪長鬟弱袂動

集作披

參差釵影釧文浮蕩漾笑語哇

咬顧晚暉蓼花綠

集作緣

岸扣舷歸來共到市橋步野

蔓繫船萍滿衣家家竹樓臨廣陌下有連檣多估客攜
觴薦芰夜經過醉踏大堤相應歌屈平祠下沅江水月
照寒波白煙起一曲南音此地聞長安北望三千里

陽春歌

李白

長安白日照春空綠楊結煙桑

集作垂

裏風披香殿前花

始紅流芳發色繡戶中繡戶中相經過飛燕皇后輕身
舞紫宮夫人絕世歌聖君三萬六千日歲歲年年奈樂

何

陽春曲

溫庭筠

雲母空窗曉煙薄香昏龍氣凝輝閣霏霏霧雨杏花天
簾外春威著羅幕曲欄伏檻金麒麟沙苑芳郊連翠茵
駢馬何能齒芳草路人不敢隨流塵

同前

莊南傑

紫錦紅囊香滿風金鸞玉軒搖丁冬沙鷗白羽翦晴碧
野桃紅艷燒春空芳草綿延鎖平地壠蝶雙雙舞幽翠

鳳叫龍吟白日長落花聲底仙娥醉

同前

僧貫休

為口莫學阮嗣宗不言是非非至公為手須似朱雲輩
折檻英風至今在男兒結髮事君親須數前賢多慷慨
歷數雍熙房與杜魏公姚公宋開府盡向天上仙宮閑
處坐何不却辭上帝下下土忍見蒼生苦苦苦

朝雲引

郎大家
宋氏

巴西巫峽指巴東朝雲觸石上朝空巫山巫峽高何已

行雨行雲一時起一時起三春暮若言來且就陽臺路

上雲樂

李白

金天之西白日所沒康老胡雛生彼月窟嶺巖儀容戍
削風骨碧玉昊昊雙目瞳黃金拳拳兩鬢紅華蓋垂下
曉嵩嶽臨上脣不覩謫詭貌豈知造化神大道是文康
之嚴父元氣乃文康之老親撫頂弄盤古推車轉天輪
云見日月初生時鑄冶火精與水銀陽烏未出谷顧兔
半藏身女媧戲黃土團作愚下人散在六合間濛濛若

沙塵生死了不盡誰明此胡是仙真西海裁若木東溟
植扶桑別來幾多時枝葉萬里長中國有七聖半路頽
鴻荒陛下應運起龍飛入咸陽赤眉立盆子白水興漢
光叱咤四海動洪濤為簸揚舉足蹋紫微天闕自開張
老胡感至德東來進仙倡五色師子九苞鳳凰是老胡
雞犬鳴舞飛帝鄉淋灑颯沓進退成行能胡歌獻漢酒
跪雙膝並集作立兩肘散花指天舉素手拜龍顏獻聖壽
北斗戾南山摧天子九九八十一歲長傾萬歲一作年一杯

同前 李賀

飛香走紅滿天春
花龍盤盤上紫雲
三千宮女列金屋
五十弦瑟海上聞
大江集作天河碎碎銀沙路
贏女機中斷
煙素斷煙素縫舞衣集作衣縷

八月一日君前舞

鳳臺曲 王無競

鳳臺何逶迤
羸女管參差
一旦絲雲至
身去無還期
遺曲此臺上
世人多學吹
一吹一落淚
至今憐玉姿

同前

李白

嘗聞秦帝女，傳得鳳凰聲。
是日逢仙子，當時別有情人。
吹彩簫去天，借綠雲迎曲。
在身不返空，餘弄玉名。

鳳凰曲

李白

鸞女吹玉簫，吟弄天上春。
青鸞不獨去，更有攜手人。
影滅彩雲斷，遺聲落西秦。

君道曲

李白 白自云梁之雅歌有五篇今作一章
按梁雅歌無君道曲疑應王受圖曲是也

大君若天覆，廣運無不至。
軒后爪牙常先太，山稽如心
之使臂。小白鴻翼於夷吾，劉葛魚水本無二。
土扶校 集作

可成牆積德為厚地

御定全唐詩卷二十一

欽定四庫全書
欽定全唐詩卷一萬七千四百二十七

集部

御定全唐詩卷二十二

舞曲歌辭

自漢以後樂舞寢盛有雅舞有雜舞雅舞用之郊廟朝饗雜舞用之宴會前世

樂飲酒酣必自起舞

漢武帝樂飲長沙定王起舞

是也自是已後尤重以舞相屬相屬者代起舞猶

世飲酒以杯相屬也灌夫起舞以

屬田

蚡晉謝安舞以屬桓嗣是也

吳俞兒舞歌

陸龜蒙

此後竝雜舞歌辭雜舞

者公莫巴渝槃舞鞚舞鐸舞拂舞

白紵之類是也始皆出自方俗後寢陳於殿庭

雖非正樂亦皆前代舊聲太宗貞觀中始造謨樂其後又分為立坐二部堂下立奏謂之立部伎堂上坐奏謂之坐部伎武后中宗之世大增

造立坐部伎諸舞隨亦寢廢開元中又有涼州
綠腰蘇合香屈柘枝團亂旋回波樂蘭陵王春
鶯轉半社渠偕席烏夜啼之屬謂之輞舞大祁
阿連劍器胡旋胡騰阿遼柘枝黃鼙拂蓀大謂
州達摩支之屬謂之健舞文宗時教坊又
進霓裳羽衣舞女三百人凡此皆雜舞也

劒俞

枝月喉櫂霜春北斗離離在寒碧龍魂清虎尾白秋照
海心同一色蘿影吒沙干影側神豪髮直四睨之人股
信栗欲定不定定不得春牘殘兒且止狄胡有膽大如
山怖亦死

矛俞

手盤風頭背分電光戰扇欲刺敲心留半綫纏肩繞脰
襪合眩旋卓植赴列奪避中節前衝函禮穴上指寧彗
滅與君一用來有截

弩俞

牛來開弦人為置鏃捩機闢逆山谷鹿駭澀隼擊遲析
毫中睫洞腋分龜達堅壘殘雄師可以冠猛樂壯曲抑
揚蹈厲有裂犀兕之氣者非公與

東海有勇婦

李白

魏鼙舞五曲

李白

作此篇以代關中有賢女

梁山感杞妻慟哭為之傾金石忽暫開都由激深情東
海有勇婦何慙蘇子卿學劖越處子超騰集作若流星

然

捐軀報夫讐萬死不顧生白刃耀素雪蒼天感精誠十

步兩躡躍三呼一交兵斬首掉國門蹴踏五藏行割此

伉儷憤粲然大義明北海李使君飛章奏天庭舍罪讐

風俗流芳播滄瀛志集作在列女籍竹帛已光榮淳于

免詔獄漢主為緹榮津妾一櫂歌脫父於嚴刑十子若

不肖不如一女英豫讓斬空衣有心竟無成要離殺慶
忌壯夫素所集作所素輕妻子亦何辜焚之買虛名豈如東
海婦事立獨揚名

章和二年中

李賀

鼙舞曲

雲蕭索風拂拂

一作正雲蕭索
田風拂拂

麥芒如簪黍如粟闕中父

老百領襦闕東吏人乏詣租健犢春耕土膏黑葛蒲叢

叢沿水脈殷勤為我下田鉏百錢攜賞

集作償

絲桐客遊

春漫光塢花白野林散香神降席拜神得壽獻天子七

星貫斷姮娥死

公莫舞歌

李賀

巾舞曲

方花古

一作石

礎排九楹刺豹淋血盛銀冕華

一作軍

筵鼓

吹無桐竹長刀直立割鳴箏橫楣麤錦生紅緯日炙錦

媯王未醉腰下三看寶玦光項莊掉箭擋前起材官小

臣公莫舞座上真人赤龍子芒碭雲瑞抱天回咸陽王

氣清如水鐵樞鐵捷重東闕大旗五丈撞雙環漢王今

日須秦印絕臍割腸臣不論

拂舞辭 李賀

吳娥聲絕天空雲間襄回門外滿車馬亦須生綠苔尊
有烏程酒勸君千萬壽全勝漢武錦樓上曉望晴寒飲
花露東方日不破天光無老時丹成作蛇乘白霧千年
重化玉井龜從蛇作龜二千載一作玉井
龜二千載吳堤綠草年
年在背有八卦稱神仙邪鱗頑甲滑腥涎

白鳩辭

李白

鞞鐸巾拂

四舞梁竝夷則格鐘

磬鳩拂和故白擬之為夷則格上白鳩

拂舞

辭

鏗鳴鐘考朗鼓歌白鳩引拂舞白鳩之白誰與鄰霜衣
雪襟誠可珍含哺七子能平均食不咽性安馴首農政
鳴陽春天子刻玉杖鑄形賜耆人白鷺亦集作之白非純

真外潔其色心匪仁闕五德無司晨胡為啄我葭下之紫
鱗鷹鶠鵠鶚貪而好殺鳳皇雖大聖不願以為臣

獨漉篇

李白

拂舞曲

獨漉水中泥水濁不見月不見月尚可水深行人沒越
鳥從南來胡鷹亦北度我欲彎弓向天射惜其中道失

歸路落葉別樹飄零隨風客無所託悲與此同羅帷舒
卷似有人開明月直入無心可猜雄劍挂壁時時龍鳴
不斷犀象繡澀皆生國恥未雪何由成名神鷹夢澤不

顧鵠鶩為君一擊搏鵬

集作搏

九天

獨漉歌

王建

獨獨漉漉鼠食貓肉烏日中鶴露宿黃河水直人心曲

白紵辭二首

崔國輔

白

洛陽梨花落如霰河陽桃葉生復齊坐恐

集作惜

玉樓春

欲盡紅綿一作錦 粉絮裏妝啼

董賢女弟在
椒風窈窕繁華貴
後宮辟帶金釭皆翡翠
一朝零落變成空

同前二首揚衡

玉纓翠珮雜輕羅
香汗微漬朱顏酡
為君起唱白紵歌
清聲裏雲思繁集作繁思
多凝笳哀琴一作瑟
時相和金壺半傾芳夜促
梁塵霏霏暗紅燭
令君安坐聽終曲
墜葉飄花難再復

躡珠履步瓊筵輕身起舞紅燭前芳恣豔態妖且妍迴
眸轉袖暗催弦涼風蕭蕭流集作漏水急月華泛豔紅蓮
濕牽裙攬帶翻成泣

同前

李白

揚清歌一作音發皓齒北方佳人東鄰子且吟白紵停渌
水長袖拂面為君起寒雲夜卷霜海空胡風吹天飄塞
鴻玉顏滿堂樂未終館娃日落歌吹濛

月寒江清夜沈沈美人一笑千黃金垂羅舞縠揚哀音

郢中白雪且莫吟子夜吳歌動君心動君心冀君賞願
作天池雙鴛鴦一朝飛去青雲上

吳刀翦綵一作綺 縫舞衣明妝麗服奪春輝揚眉轉袖若

雪飛傾城獨立世所稀激楚結風醉忘歸高堂月落燭
已微玉釵挂纓君莫違

白紵歌二首

王建

天河漫漫北斗粲宮中烏啼知夜半新縫白紵舞衣成
來遲邀得吳王迎低鬟轉面掩雙袖玉釵浮動秋風生

酒多夜長夜未曉月明燈光兩相照後庭歌聲更窈窕
館娃宮中春日暮荔枝木瓜花滿樹城頭烏棲休擊鼓
青娥彈瑟白紵舞夜天燭燭不見星宮中火照西江明
美人醉起無次第墮釵遺佩滿中庭此時但願可君意
回畫為宵亦不寐年年奉君君莫棄

同前

張籍

皎皎白紵白且鮮將作春衫集作衣稱少年裁縫長短不能定自持刀尺向姑前復恐蘭膏汙纖指常遣傍人收

墮珥衣裳著時寒食下還把玉鞭鞭白馬

同前

柳宗元

翠帷雙卷出傾城龍劒破匣霜月明朱脣掩抑悄無聲
金簧玉磬宮中生下沈秋水激太清天高地迥凝日晶
羽觴蕩漾何事傾

冬白紵歌

元稹

四時

白紵
舞曲

吳宮夜長宮漏款簾幕四垂燈焰暖西施自舞王自管
雪紵翻翻鶴翎散促節牽繁舞腰嬾舞腰嬾王罷飲蓋

覆西施鳳花錦身作匡牀臂為枕朝佩縱縱王晏

寢酒

集作寢

醒闇報門無事子胥死後言為諱近王之臣

諭王意共笑越王窮惄惄夜抱冰寒不睡

霓裳辭十首

王建

一曰霓裳羽衣曲羅公遠

多祕術嘗與明皇至月宮仙女數

百皆素練霓衣舞於廣庭問其曲曰霓裳羽衣
帝曉音律因默記其音調及歸但記其半會西

涼府節度楊敬述進婆羅門曲

聲調相符遂以月中所聞為散序敬述所進為曲而名霓裳羽衣

按王建辭云弟子郎中留一色聽風聽水作霓裳劉禹錫詩云三鄉陌上望仙山歸作霓裳羽衣曲然則非

月中所聞矣

弟子部中留一色聽風聽水作霓裳散聲未足重來授
直到牀前見上皇

中管五弦初半曲遙教合上隔簾聽一聲聲向天頭落
效得仙人夜唱經

自直梨園得出稀更番上曲不教歸一時跪拜霓裳徹
立地階前賜紫衣

旋翻新譜聲初足除却梨園未教人宣與書家分手寫
中官走馬賜功臣

伴教霓裳有貴妃從初直到曲成時日長月裏聞聲熟
拍數分毫錯總知

弦索縱縱隔綵雲五更初發一山一作滿宮聞武皇自送西
王母新換霓裳月色裙

敕賜宮人潔浴回遙看美女院門開一山星月霓裳動
好字先從殿裏來

傳呼法部按霓裳新得承恩別作行應是一作晚貴妃樓
上看內人昇下綵羅箱

朝元閣上山風一作風初起夜聽霓裳玉露寒宮女月中更替立黃金梯滑竝行難

知向一作在華清年月滿山頭山底種長生去時留下霓

裳曲總一作半是離宮別館聲

柘枝詞

失撰人名健舞曲有羽調柘枝輞舞曲有商調屈柘枝此舞因曲為名用二

女童帽施金鈴抃轉有聲其來也於二蓮花中藏花坼而後見對舞相占寶舞中雅妙者也

將軍奉命即須行塞外領彊兵聞道烽煙動腰間寶劍

匣中鳴

同前三首

薛能

同營三十萬震鼓伐西羌戰血黏秋草征塵攬夕陽歸來人不識帝里獨戎裝

懸軍征拓羯內地隔蕭闊日色崑崙上風聲朔漠間何當千萬騎颯颯貳師還

意氣成功日春風起絮天樓臺新邸第歌舞小嬋娟急破催搖曳羅衫半脫肩

屈柘詞

溫庭筠

楊柳紫橋綠玫瑰
拂地紅繡衫
金腰裏花髻玉瓏璁宿
雨香潛潤春流水暗通畫樓初夢斷晴曉一作日照湘風

御定全唐詩卷二十二

欽定四庫全書
欽定全唐詩卷一萬七千四百二十八集部

御定全唐詩卷二十三

琴曲歌辭

古琴曲有五曲九引十二操自是已後作者相繼

白雪歌

志曰白雪周曲也

列鼎佩金章淚眼看風枝却思食藜藿身作屠沽兒負米無遠近所希升斗歸為人無貴賤莫學雞狗肥斯言如不忘別更無光輝斯言如或忘即安用人為

湘妃

劉長卿

帝子不可見秋風來暮思嬋娟湘江月千載空蛾眉

同前

李賀

筠竹千年老不死長伴秦一作神娥蓋湘水蠻娘吟弄滿
寒空九山靜綠淚花紅離鶯別鳳煙梧中巫雲蜀雨遙
相通幽愁秋氣上青楓涼夜波間吟古龍

湘妃怨

孟郊

南巡竟不返帝子

一作二妃

怨逾積萬里喪蛾眉瀟湘水空

碧冥冥荒山下古廟收貞魄喬木深青春清光滿瑤席

寥芳徒有薦靈意殊脈脈玉佩不可親襄回煙波夕

同前 陳羽

二妃怨處雲沈沈二妃哭處湘水深商人酒滴廟前草
蕭颯集作索 風生斑竹林

湘妃列女操

鮑溶

有虞夫人哭虞後淑女何事又傷離竹上淚跡生不盡
寄哀雲和五十絲雲和經奏釣天曲乍聽寶琴遙嗣續
三湘測測流急綠秋夜露寒蜀帝飛楓林月斜楚臣宿

更疑川宮日黃昏
闇攜女手殷勤言
環佩玲瓏有無間
終疑既遠雙悄悄
蒼梧舊雲豈難召
老猿心寒不可嘯
目眇眇兮意蹉跎
魂騰騰兮驚秋波
曲一盡兮憶再奏
衆弦不聲且如何

湘夫人

鄒紹先

楓葉下秋渚二妃愁
渡湘疑山空杳藹何處
望君王日落水雲裏
集作悠悠油油心自傷

同前

李頤

九嶷日已暮三湘雲復愁宵謁羅袂色潺湲江水流佳

期來北渚捐玦集作珮在芳洲

同前郎士元

蛾眉對湘水遙哭蒼梧間

集作山

萬乘既已歿孤舟誰忍

還至今楚山上猶有淚痕斑南有涔陽路渺渺多新愁

昔神降回

集作酒神降

時風波

集作回風

江上秋彩雲忽無處碧

水空安流

南有涔陽路以
下集另作一首

霹靂引

沈佺期

歲七月火伏而金生客有鼓瑟於門者奏霹靂之商聲
始戛羽以驕喜終扣宮而砰駿電耀耀兮龍躍雷闇闇
兮雨冥氣嗚唘以會雅態欵翕以橫生有如驅千旗制
五兵截荒虺斲長鯨孰與廣陵比意別鶴儔精而已俾
我雄子魄動毅夫髮立懷恩不淺武義雙輯視胡若芥
翦羯如拾豈徒慨慷中筵備羣娛之翕習哉

拘幽操

韓愈 一曰文王哀羑里文王拘於羑里而作

目揜揜集作窈窈兮其凝其盲耳肅肅兮聽不聞聲朝不日

出兮夜不見月與星有知無知兮為死為生嗚呼臣罪

當誅兮天王聖明

越裳操

韓愈
白雉周公作
越裳獻

雨之施物以孳我何意於彼為自周之先其艱其勤以
有彊宇私我後人我祖在上四方在下厥臨孔威敢戲
以侮孰荒於門孰治於田四海既均越裳是臣

岐山操

韓愈
序云周
公為太王作

我家于幽自我先公伊我承緒

集作
序

敢有不同今狄之

人將土我疆民為我戰誰使死傷彼岐有岨我往獨處

人莫

一作莫爾

余追無思我悲

履霜操

韓愈序云尹吉甫子伯奇無罪為後母讒而見逐自傷作

父兮兒寒母兮兒飢兒罪當笞遂兒何為兒在中野以宿以處四無人聲誰與兒語兒寒何衣兒飢何食兒行于野履霜以足母生衆兒有母憐之獨無母憐兒寧不

悲

雉朝飛操

李白

雉朝飛者犢牧子七十無妻出薪於野見雉雄雌相隨而飛感之

而作

麥隴青青三月時白雉朝飛挾兩雌錦衣綺翼何離緹
犢牧采薪感之悲春天和白日暖啄食飲泉勇氣滿爭
雄鬪死繡頸斷雉子班奏急管弦心傾美酒集作傾
心美酒盡
玉椀枯楊枯楊爾生萬集作稀我獨七十而孤棲彈弦寫
恨意不盡瞑目歸黃泥

同前

韓愈

雉之飛于朝日羣雌孤雄意氣橫出當東而西當啄而

飛隨飛隨啄羣雌粥粥嗟我雖人曾不如彼雉雞生身
七十年無一妾與妃

同前 張祜

朝陽龍東泛暖景雙啄雙飛雙顧影朱冠錦襦聊日整
漠漠霧中如衣裝傷心盧女弦七十老翁長獨眠雄飛
在草雌在田衷腸結憤氣呵天聖人在上心不偏翁得
女妻甚可憐

思歸引 張祜 一日離拘操衛女
於深宮思歸不得而作

重重作閨清旦鐸兩耳深聲長不徹深宮坐愁百年身
一片玉中生憤血焦桐罷彈集作彈罷絲自絕漠漠暗魂愁
夜月故鄉不歸誰共穴石上作蒲蒲九節

猗蘭操

韓愈

一曰

幽蘭操

孔子傷不逢時作

蘭之猗猗揚揚其香不采而佩於蘭何傷今天之旋其
曷為然我行四方以日以年雪霜貿貿齊麥之茂子如
不傷我不爾覩齊麥之茂齊麥之有君子之傷君子之
守

幽蘭 崔塗

幽植衆能

集作春風

知貞芳只暗持自無君子佩未是國香

衰白露霑長早青春

集作春風

每到遲不知當路草芳馥欲

何為

將歸操

韓愈

一曰聊操孔子之趙聞殺鳴犢作

秋之水兮其色幽幽我將濟兮不得其由涉其淺兮石
齧我足乘其深兮龍入我舟我濟而悔兮將安歸尤歸
乎歸乎無與石鬪兮無應龍求

龜山操

韓愈序云孔子以季桓子受齊女樂諫不從望龜山而作

龜之氣兮不能雲

一作為

雨龜之杓兮不中梁柱龜之大

兮祇以奄魯知將隳兮哀莫余伍周公有鬼兮嗟余歸

輔

殘形操

韓愈序云曾子夢見一狸不見其首作

有獸維狸兮我夢得之其身孔明兮而頭不知吉凶何
為兮覺坐而思巫咸上天兮識者其誰

雙燕離

李白詞

河

雙燕復雙燕雙飛令人羨玉樓珠閣不獨棲金窗繡戶
長相見柏梁失火去因入吳王宮吳宮又焚蕩離盡巢
亦空憔悴一身在孀雌憶故雄雙飛難再得傷我寸心

中

列女操

孟郊

列女

引楚樊姬作

梧桐相待老鴛鴦會雙死貞婦貴徇夫舍生亦如此波
瀾誓不起妾心井中水

別鵠操

韓愈 一曰別鶴操商陵穆子娶妻五年無子父母欲其改娶其妻聞之中夜

悲嘯
感之而作

穆子

雄鵠銜枝來雌鵠啄泥歸巢成不生子大義當乖離江漢水之大鵠身鳥之微更無相逢日安且可樹二字

相隨飛

別鶴
揚巨源

海鶴一為別高程方杳然影搖江海集作漢路思結瀟湘天皎然仰白日真姿棲紫煙含情九霄際顧侣五雲前遐心屬清都淒響激朱弦超搖間雲雨迢邇各山川東

南信多水會合當有年雄集作雌飛戾冥冥此意何由傳

同前 王建

主人一去池水絕池鶴散飛不相別青天漫漫碧海集作水重知向何山風雪中萬里雖然音影在向心終是死生同池邊巢破松樹死樹頭年年鳥生子

同前 張籍

雙鶴出雲谿分飛各自迷空巢在松杪集作頂折羽落江

泥尋水終不飲逢林亦未棲別離應易老萬里兩集作雨

淒淒

同前

杜牧

分飛共所從六翮勢摧

集作催

風聲斷碧雲外影孤明月

中青田歸路遠月

集作丹

桂舊巢空矯翼知何處天涯不

可窮

走馬引

李賀

一曰天馬引

擣里牧

茶

為父報怨殺人逃入沂澤中作

我有辭鄉劍玉鋒堪截雲襄陽

一作長安

走馬客意氣自生

春朝嫌劍光

集作花

靜暮嫌劍花

集作光

冷能持劍向人不

解持照身

一作解持

照身影

白居易

昭君怨

白居易

明妃風貌最娉婷合在椒房應四星只得當年備宮掖
何曾專夜奉幃屏見疎從道迷圖畫知屈那教配虜庭
自是君恩薄如紙不須一向恨丹青

同前二首

張祜

萬里邊城遠千山行路難舉頭惟見月

集作日

何處是長

安

漢庭無大議戎虜幾先和莫羨傾城色昭君恨最多

同前

梁氏瓊

自古無

集作有

和親貽災到妾身

胡朔集作

風嘶去馬漢月

弔

集作出

行輪衣薄狼山雪妝成虜塞春回看父母國生

死畢胡塵

明妃怨

楊凌

漢國明妃去不還馬駝弦管向陰山匣中縱有菱花鏡
羞對單于照舊顏

蔡氏五弄

五弄遊春深水幽居坐悲秋思竝宮調蔡邕所作也

遊春曲二首

王涯

萬樹江邊杏新開
一夜風滿園
深淺色照在綠波中
上苑何窮樹
花開次第新
香車與絲騎
風靜亦生塵

遊春辭二首

王涯

曲江絲柳變煙條
寒骨

集作谷

冰隨暖氣銷
纔見春光生

綺陌已聞清樂動
雲韶

經過柳陌與桃蹊
尋逐風光著處迷
鳥度時時衝絮起

花繁袞袞壓枝低

同前三首

令狐楚

晚遊臨碧殿 日上望春亭
芳樹羅仙仗 晴山展翠屏
一夜好風吹新花 一萬枝
風前調玉管 花下簇金羈
閣闥春風起 蓬萊雪水消
相將折楊柳 爭取最長條

渌水曲

渌水明秋月 南湖采白蘋
荷花嬌欲語 慮殺蕩舟人

渌水辭

李賀

今宵好風月阿侯在何處為有傾城色一作入翻成足愁

苦東湖采蓮葉南湖拔蒲根一作折

蒲草

未持寄小姑且持

感愁魂

一作秋風

幽居弄

顧況

苔衣生花露滴月入西林蕩東壁扣商占角兩三聲洞
戶谿窗一冥寂獨去滄洲無四鄰身嬰世網此何身闕
情命曲寄惆悵久別江集作山南山裏人

秋思二首

李白

春陽如昨日碧樹鳴黃鸝蕪然蕙草暮颯爾涼風吹天

秋木葉下月冷莎雞悲坐愁羣芳歇白露凋華滋

閻氏

集作
燕支

黃葉落妾望白

集作
自

登臺月出

一作
海上

碧石雲斷

蟬聲

一作
單于

秋色來胡兵沙塞合漢

一作
望

使玉闕回征客

無歸日空悲蕙草摧

同前二首 鮑溶

胡風吹鴈翼遠別無人鄉君近鴈來處幾回斷君腸昔
奉千日書撫心怨星霜無書又千日世路重茫茫燕國

有佳麗蛾眉富春光自然君歸晚花落君空堂君其若不然歲晚雙鴛鴦顧兔蝕殘月幽光不如星女兒晚事夫顏色同秋螢秋日邊馬思武夫不遑寧燕歌易水怨劍舞蛟龍腥風折連枝樹水翻無蓆萍立身多戶門何必燕山銘生世不如鳥雙雙比翼翎顧兔蝕殘月以

下集另作一首

季秋天地閒

一作閒

萬物生意足我憂長於生安得及草

木試從古人願致酒歌秉燭燕趙皆世人詎能長似玉俯憐老期近仰視日車速蕭颯御風君魂夢願相逐百

年夜銷半端為垂纓束

同前 司空曙

靜與嬾相偶年將衰共催前途歡不集往事恨空來畫
景委紅葉月華鋪綠苔沈思更何有結坐集作坐玉琴哀

同前 司空圖

身病時亦危逢秋多慟哭風波一搖蕩天地幾翻覆孤
螢出荒池落葉穿破屋勢利長草草何人訪幽獨

同前二首 王涯

網軒涼吹動輕衣夜聽更長玉漏稀月渡天河光轉濕
鵲驚秋樹葉頻飛

宮連太液見蒼波暑氣微清

集作消

秋意多一夜輕風蘋

末起露珠翻盡滿池荷

胡笳十八拍

劉商

大

胡笳

十八

拍

小

胡笳

十九

拍

蔡琰

作

第一拍

漢室將衰兮四夷不賓動干戈兮征戰頻哀哀父母生育我見離亂兮當此辰紗窗對鏡未經事將謂珠簾能

散身一朝虜騎入中國蒼黃處處逢胡人忽將薄命委
鋒鏑可惜紅顏隨虜塵

第二拍

馬上將余向絕域厭生求死死不得戎羯腥膻豈是人
豺狼喜怒難姑息行盡天山足霜霰風土蕭條近胡國
萬里重陰鳥不飛寒沙莽莽無南北

第三拍

如羈囚兮在縲絏憂慮萬端無處說使余力

刃集作

兮翦

余髮食余肉兮飲余血誠知殺身願如此以余為妻不如死早被蛾眉累此身空悲弱質柔如水

第四拍

山川路長誰記得何處天涯是鄉國自從驚怖少精神
不覺風霜損顏色夜中歸夢來又去朦朧豈解傳消息
漫漫胡天叫不聞明明漢月應相識

第五拍

水頭宿兮草頭坐風吹漢地衣裳破羊脂沐髮長不梳

羔子皮裘領仍左狐襟貉袖腥復膻畫披行兮夜披臥
覈帳時移無定居日月長兮不可過

第六拍

怪得春光不來久胡中風土無花柳天翻地覆誰得知
如今正南看北斗姓名音信兩不通終日經年常閉口
是非取與在指撏言語傳情不如手

第七拍

男兒婦人帶弓箭塞馬蕃羊卧霜霰寸步東西豈自由

偷生乞死非情願
龜茲簾幕愁中聽
碎葉琵琶夜深怨
竟夕無雲月上天
故鄉應得重相見

第八拍

憶昔私家恣嬌小
遠取珍禽學馴擾
如今淪棄念故鄉
悔不當初放林表
朔風蕭蕭寒日暮
星河寥落胡天曉
旦夕思歸不得歸
愁心想似籠中鳥

第九拍

當日蘇武單于問道是賓鴻解傳信
學他刺血寫得書

書上千重萬重恨
鬚胡少年能走馬
彎弓射飛無遠近
遂令邊雁轉怕人
絕域何由達方寸

第十拍

恨凌辱兮惡腥膻
憎胡地兮怨胡天
生得胡兒欲棄捐
及生母子情宛然
貌殊語異憎還愛
心中不覺常相牽
朝朝暮暮在眼前
腹生手養寧不憐

第十一拍

日來月往相推遷
迢迢星歲欲周天
無冬無夏卧霜霰

水凍草枯為一年漢家甲子有正朔絕域三光空自懸
幾回鴻雁來又去腸斷蟾蜍虧復圓

第十二拍

破瓶落井空永沈故鄉望斷無歸心寧知遠使問姓名
漢語泠泠傳好音夢魂幾度到鄉國覺後翻成哀怨深
如今果是夢中事喜過悲來情不任

第十三拍

童稚牽衣雙在側將來不可留又憶還鄉惜別兩難分

寧棄胡兒歸舊國
山川萬里復邊戍
背面無由得消息
淚痕滿面對殘陽
終日依依向南北

第十四拍

莫以胡兒可羞恥恩情亦各言
其子手中十指有長短
截之痛惜皆相似還鄉豈不見
親族念此飄零隔生死
南風萬里吹我心心亦隨風渡遼水

第十五拍

歎息襟懷無定分
當時怨來歸又恨
不知愁怨意若何

似有鋒鎚擾方寸悲歡竝行情未快心意相尤自相問
不緣生得天屬親豈向仇讐結恩信

第十六拍

去時只覺天蒼蒼歸日始知胡地長重陰白日落何處
秋鴈所向應南方平沙四顧自迷惑遠近悠悠隨雁行
征途未盡馬蹄盡不見行人邊草黃

第十七拍

行盡胡天千萬里惟見黃沙白雲起馬飢跑雪銜草根

人渴敲冰飲流水燕山鬢髮辨烽戍鼙鼓如聞漢家壘
努力前程是帝鄉生前免向胡中死

第十八拍

歸來故鄉見親族田園半蕪春草綠明燭重然煨燼灰
寒泉更洗沈泥玉載持巾櫛禮儀集作義好一弄絲桐生
死足出入關山十二年哀情盡在胡笳曲

飛龍引二首

李白

黃帝鑄鼎於荆山鍊丹砂丹砂成黃金騎龍飛上太清

家雲愁海思令人嗟宮中絲女顏如花飄然揮手凌紫
霞從風縱體登鑾車登鑾車侍軒轅遨遊青天中其樂
不可言

鼎湖流水清且閒軒轅去時有弓劍古人傳道留其間
後宮嬪娟多花顏乘鸞飛煙亦不還騎龍攀天造天闕
造天闕聞天語長雲河車載玉女載玉女過紫皇紫皇
乃賜白兔所擣之藥集有方字後天而老凋三光下視瑤池
見王母蛾眉蕭颯如秋霜

烏夜啼引

張籍

何晏繫獄有二鳥止於舍上

其女曰烏有喜聲父必免遂作此操

秦烏啼啞啞夜啼長安吏人家吏人得罪囚在獄傾家
賣產將自贖少婦起聽夜啼烏知是官家有赦書下牀
心喜不重寐未明上堂賀舅姑少婦語啼烏汝啼慎勿
虛借汝庭樹作高巢年年不令傷爾雛

宛轉歌

郎大家宋氏晉王敬伯遇女郎劉妙容命小婢彈箜篌作宛轉歌凡八曲敬

伯惟憶

二曲

風已清月朗琴復鳴掩抑非千態殷勤是一聲歌宛轉

宛轉和且長願為雙鴻鵠比翼共翶翔

日已暮長簷鳥應度此時望君君不來此時思君君不
顧歌宛轉宛轉那能異棲宿願為形與影出入恒相逐

同前二首

劉方平

星參差

集有明字

月二八燈五枝黃鶴瑤琴將別去芙蓉羽

帳惜空垂歌宛轉宛轉恨無窮願為波與浪俱起碧流

中

曉將近黃姑織女銀河盡九華錦衾無復情千金寶鏡

誰能引歌宛轉宛轉傷別離願作楊與柳同向玉窗垂

宛轉行

張籍

華屋重翠幄綺席雕象牀遠漏微更疎薄衾中夜涼爐

氤集作氣

暗裏回寒燈背斜光妍姿結宵態寢臂幽夢長

宛轉復宛轉憶憶

集作君

更未央

王敬伯歌

李端

妾本舟中客

集作女

聞君江上琴君初感妾歎

集作意

妾亦

感君心遂出合歡被同為交頸禽傳杯惟畏淺接膝猶

嫌遠侍婢奏箜篌女郎歌宛轉宛轉怨如何中庭霜漸
多霜多葉可惜昨日非今夕徒結萬里集作重歡終成一

宵客王敬伯渌水青山從此隔

三峽流泉歌

李季蘭

三峽

流泉晉阮咸作

妾家本住巫山雲巫山流水常自聞玉琴彈出轉寥寥
直似當時夢中聽三峽流泉幾千里一時流入深閨裏
巨石奔崖指下生飛波走浪弦中起初疑噴湧含雷風
又似嗚咽流不通回湍曲瀨勢將盡時復滴瀝平沙中

憶昔阮公為此曲能使仲容聽不足一彈既罷復一彈
願似流泉鎮相續

風入松歌

僧皎然作

風入

松晉嵇康作

西嶺松聲落日秋千枝萬葉風颸颸美人援琴弄成曲
寫得松間聲斷續聲斷續清我魂流波壞陵安足論美
人夜坐月明裏舍少商兮照集作點清徵風何淒兮飄颻

集作飄攬寒松兮又夜起夜未央曲何長金徽更促聲決
決何人此時不得意意苦弦悲聞客堂

秋風引

劉禹錫

何處秋風至
蕭蕭送雁羣
朝來入庭樹
孤客最先聞

明月引

盧照鄰

洞庭波起兮
鴻鴈翔
風瑟瑟兮
野蒼蒼
浮雲卷
靄明月
流光荆南兮
趙北碣石兮
瀟湘澄清規
於萬里照離思
於千行橫桂枝
於西第繞菱花
於北堂高樓思
婦飛蓋
君王文姬絕
域侍子他鄉見
胡鞍之似練
知漢劍之如霜
試登高而極目
集作聘莫不變而迴腸

明月歌 閻朝隱

梅花雪白柳葉黃雲霧四起月蒼蒼箭水冷冷刻漏長
揮玉指拂羅裳為君一奏楚明光

綠竹引 宋之間

青溪綠潭潭水側修竹嬋娟同一色徒生仙實鳳不遊
老死空山人詎識妙年秉願逃俗紛歸卧嵩丘弄白雲
含情傲集有晚字慰心目何可一日無此君

山人勸酒

李白

蒼蒼雲松落落綺皓春風爾來為阿誰胡蝶忽然滿芳

草秀眉霜雪顏桃花

一作霜雪
桃花貌

骨青髓綠

一作青
髓綠髮

長美

好稱是秦時避世人勸酒相歡不知老各守兎

集作麋鹿

志恥隨龍虎爭歛起佐太子漢王

一作皇

乃復驚顧謂戚

夫人彼翁羽翼成歸來南

一作商

山下泛若雲無情舉觴

醉巢由洗耳何獨

一作太

清浩歌望嵩嶽意氣還

一作遙

相

傾

幽澗泉李白

拂彼白石彈吾素琴幽澗愀兮流泉深善手明徽高張
清心寂歷似千古松颶颶兮萬尋中見愁猿弔影而危
處兮叫秋木而長吟客有哀時失志而聽者淚淋浪以
霑襟乃緝商綴羽潺湲成音吾但寫聲發情於妙指殊
不知此曲之古今幽澗泉鳴深林

龍宮操

顧況 大歷王子矣
丑大水時在滁作

龍宮月明光參差精衛銜石東飛時鮫人織綃采蘋絲
翻江倒海傾吳蜀漢女江妃杳相續龍王宮中水不足

飛鶴操

劉禹錫

鳶飛杳杳青雲裏鳴蕭蕭風四起旗尾飄揚勢漸高
箭頭砉劃聲相似長空悠悠霽日懸六翮不動凝飛集作

風煙遊羈翔鴈出其下慶雲清景相迴旋忽聞飢鳥一

噪聚營下雲中爭腐鼠騰音礪吻相喧呼仰天大嚇疑
鴛鴦畏人避犬投高處俛啄無聲猶屢顧青鳥自愛玉

山禾仙禽徒貴華

集作

亭露樸檄

集作

危巢向暮時

穧飽腹蹲枯枝遊童挾彈一麾肘臆碎羽分人不悲天

生衆禽各有類威鳳文章在仁義鷹隼儀形螭蟻心雖能戾天何足貴

昇仙操

李羣玉

羸女去秦宮瓊簫生

集作飛

碧空鳳臺閉煙霧鸞吹飄天

風復聞周太子亦遇浮丘公叢簧發仙弄輕舉紫霞中
濁世不久住清都路何窮一去霄漢上世人那得逢

司馬相如琴歌

張祜

鳳兮鳳兮非無凰山重水闊不可量梧桐結陰在朝陽

濯羽弱水鳴高翔

霍將軍

崔顥

長安甲第高入雲誰家居住霍將軍日晚朝回擁賓從
路傍揖拜何紛紛莫言炙手手可熱須臾火盡灰亦滅
莫言貧賤即可欺人生富貴自有時一朝天子賜顏色

世上悠悠應始一作自知

琴歌

顧況

琴調秋些胡風遶雪峽泉聲咽佳人愁些

御定全唐詩卷二十三

謹案第六頁前七行不知江月待何人按別本待
作照

第七頁後一行玉樹誰為主刊本樹訛座據別本
改

第八頁後七行祠漁山神女歌按河岳英靈集作
漁山神女智瓊祠歌楚辭後語作魚山迎送神

曲此從樂府詩集

第十頁前六行獨宿孤淚如雨據別本孤作空

卷二十三第四頁後八行續牧子七十無妻刊本

牧訛沫據郭茂倩樂府改



總校官庶吉士臣張能照

校對官檢討臣龔大萬

臣

謄錄監生臣甄輔廷